

Ntsiab Lus: Tsab Cai Txog Kev Pab Nyiaj Them Nqi
Zauv Cim Index:
Seem: Kev Sau Nqi Kho Mob
Seem Me:
Pawg: Gundersen St. Joseph's Lub Tsev Kho Mob Loj
thiab Lub Tsev Kho Mob Me
Nug Tau Rau: Toni Young
Zaum Kawg Kho: Lub Kaum Ob Hlis Ntuj Tim 16, 2015

GUNDERSEN
ST. JOSEPH'S
HOSPITAL AND CLINICS

Muab Los Ntawm

Nom Tswv Teb Chaws Tus Qauv Teeb Tseg Txog Feem Txom Nyem, Teb Chaws Mis Kas Lub Tuam Tsev Xyuas Txog Kev Noj Qab Haus Huv thiab Kev Pab Neeg (US Department of Health and Human Services) Tsa Cai Txog Kev Txo Nqi Rau Qhov Uas Them Nqi Tam Sid rau Cov Kev Pab Uas Tsis Tsim Nyog raws li hauv Tsab Cai Txog Kev Pab Nyiaj Them Nqi
IRS Tsab Ntawv Tshaj Tawm 2015-46 thiab 29 CFR §§1.501(r) (4) – (6)
26 CFR 250 (31 Lub Kaum Ob Hlis Ntuj 2014) p78954-79016
Daim Ntawv Ntxiv Tom Qab 1: Daim Ntawv Thov Kev Pab Nyiaj Them Nqi
Daim Ntawv Ntxiv Tom Qab 2: Lub rooj ntawv qhia txog kev txo nqi raws nyiaj tau thiab cuab tam, thiab tus paj txo nqi rau cov tsis muaj ntawv kho mob
Daim Ntawv Ntxiv Tom Qab 3: Cov chaw muab kev pab thiab cov tuam tsev
Daim Ntawv Ntxiv Tom Qab 4: Feem Pua Ntawm Tus Nqi Uas Feem Ntau Tsub (AGB)
Daim Ntawv Ntxiv Tom Qab 5: Pej Xeem Kev Saib Tau Cov Ntaub Ntawv

Siv Rau

Tag nrho cov neeg mob hauv St. Joseph's Health Service, Inc. d/b/a Gundersen St. Joseph's Lub Tsev Kho Mob Loj thiab Cov Tsev Kho Mob Me, (ntawm no lawm tod, muab sau ua ke hu ua GSTJ) uas txais cov kev kho mob ntawm Gundersen St. Joseph's Lub Tsev Kho Mob Loj thiab Cov Tsev Kho Mob Me.

Cov Ntsiab Lus

GSTJ's lub hom phiaj yog los qhia txog qhov peb txawv los ntawm qhov muab kev pab kho tus neeg mob uas zoo tshaj plaws, kev kawm, kev tshawb fawb thiab los ntawm kev txhim kho txoj kev noj qab haus huv hauv cov zej zos uas peb pab. Nws yog peb lub zeem muag tias peb yuav yog ib qho Chaw Muab Kev Pab Kho Mob (Health System) uas zoo heev, uas tau kev lees paub thoob plaws hauv teb chaws txog kev txhim kho txoj kev noj qab haus huv thiab kev noj qab nyob zoo ntawm peb cov neeg mob thiab lawv lub zej zos.

Yuav kom pab tau lub hom phiaj no,, GSTJ muaj kev ruaj siab los muab kev kho mob thaum muaj xwm ceev thiab kev kho mob uas yuav tsum tau kho rau cov neeg mob tsis hais seb lawv puas muaj ntawv kho mob los tsis muaj los sis seb lawv puas muaj peev xwm them taus. Tsab cai txog kev pab nyiaj them nqi no yog npaj los ua raws li nom tswv teb chaws thiab xeev cov cai rau peb cheeb tsam muab kev pab. Cov neeg mob uas tsim nyog rau kev pab nyiaj nyob rau hauv tsab cai no yuav tau txais kev txo nqi rau txoj kev pab uas lawv tau txais los ntawm cov chaw muab kev pab uas tsim nyog.

Txoj kev pab nyiaj them nqi uas muaj nyob hauv tsab cai no yog ua raws li qhov xav tias cov neeg mob yuav koom tes nrog tus txheej txheem thov kev pab thiab nrog cov kev pab los ntawm tsoom fww los sis cov kev pab them nqi kho mob uas tej zaum yuav muaj los them tus nqi kho mob. GSTJ yuav tsis cais tshwj leej twg li raws hnuv nyoo, poj niam los sis txiv neej, haiv neeg, kev ntseeg, cev nqaij daim tawv, kev tsis taus, **dab qhuas**, nyiam ua poj niam los sis txiv neej, teb chaws yug, los sis kev tuaj txawv teb chaws tuaj thaum uas los txiav txim txog txoj kev pab nyiaj them nqi.

Kev Siv

COV NTSIAB TXHAIS

Cov ntsiab txhais nram qab no yog siv rau txhua ntu hauv tsab cai no.

Tus Nqi Uas Feem Ntau Tsub (Amount Generally Billed) (AGB): Tus nqi uas feem ntau tsub yog tus nqi uas yuav kom tus neeg mob, thiab/los sis tus neeg uas them rau tus neeg mob cov nqi them rau cov kev kho mob thaum muaj xwm ceev los sis kev kho mob uas yuav tsum tau kho. Rau cov neeg mob uas tsim nyog, tus nqi no yuav tsis tshaj tus paj (rate) uas yuav siv los txiav txim uas siv Tus Txheej Txheem Saib Rov Qab (Look Back Method) uas tau piav rau hauv §1.501(r)-5(b) (3) ntawm tsab cai Internal Revenue Code. Tus Txheej Txheem Saib Rov Qab yuav yog raws cov nqi uas tau them yav tas los los ntawm Medicare Fee-for-Service ua ke nrog rau tag nrho cov nqi uas them los ntawm cov neeg uas lawv yuav lawv ntawv kho mob sab nraud los them. Cov nqi uas yuav suav rau hauv kev siv tus AGB los xam mas yuav yog cov nqi uas pub muaj hauv lub xyoo ua ntej ntawd. Cov nqi rau qhov muaj ob daim ntawv kho mob (co-insurance), cov nqi sib koom them (co-payments) thiab cov nqi uas yus yuav tau them yus ua ntej daim ntawv kho mob yuav them (deductibles) mas yuav suav rau hauv tus zauv sab saud (numerator) nrog rau Medicare Fee-for-Service ua ke nrog rau tag nrho cov nqi uas pub muaj los ntawm cov ntawv kho mob sab nraud. Cov nqi tsub ua ntej lov nqi tawm rau cov nqi uas hais los saud mas yuav suav rau hauv tus zauv hauv qab (denominator). Tus AGB mas yuav xam txhua xyoo tsis dhau hnuv 45 tom qab kaw xyoo ua ntej ntawd, thiab yuav siv rau hnuv 120 tom qab kaw xyoo ntawd.

Feem Pua Ntawm Tus Nqi Uas Feem Ntau Tsub (Amount Generally Billed Percentage): Yuav xam AGB tus feem pua txhua xyoo tsis dhau hnuv 45 hauv lub xyoo, thiab tau muab piav nyob rau hauv Daim Ntawv Ntxiv Tom Qab (Appendix) 4 hauv tsab cai no.

Lub Sij Hawm Siv: Lub sij hawm uas yuav txais thiab lis cov ntawv thov nyiaj pab them nqi. Lub sij hawm thov kev pab yuav pib rau hnuv tim uas tau kho mob thiab xaus rau hnuv 240 tom qab hnuv tim uas tau muab thawj daim nqi kho mob tom qab kho mob tas es tawm los mus tsev lawm.

Kev Pab Rau Kev Puas Tsuj Loj Heev (Catastrophic Care Assistance): Muaj kev pab nyiaj them nqi rau cov neeg mob uas tsim nyog uas tsev neeg cov nyiaj tau hauv ib xyooos nws tshaj 300% ntawm Nom Tswv Tus Qauv Teeb Tseg Txog Feem Txom Nyem (Federal Poverty Level), thiab cov cuab tam nws tsawg dua qhov sib npaug nrog 600% ntawm Nom Tswv Tus Qauv Teeb Tseg Txog Feem Txom Nyem, thiab koj feem xyuam them cov nqi kho mob ntawm GSTJ mas nws tshaj 25% ntawm tsev neeg cov nyiaj tau.

Kev Kho Mob Txo Nqi (Discounted Care): Kev pab nyiaj them nqi uas muaj kev txo nqi, rau cov kev pab kho mob uas tsim nyog uas tau muab los ntawm GSTJ, raws qhov seb tau nyiaj pes tsawg (sliding scale), rau cov neeg mob uas tsim nyog, los sis cov neeg uas them rau tus neeg mob cov nqi, uas tsev neeg cov nyiaj tau hauv ib xyooos nws qis dua 300% ntawm Nom Tswv Tus Qauv Teeb Tseg Txog Feem Txom Nyem

(Federal Poverty Level) thiab cov cuab tam nws nyob li ntawm los sis qis dua 600% ntawm Nom Tswv Tus Qauv Teeb Tseg Txog Feem Txom Nyem (Federal Poverty Level) los sis qis dua ntawd.

Tus Mob Thaum Muaj Xwm Ceev (Emergency Medical Condition): Raws li txhais hauv Section 1867 of the Social Security Act (42 U.S.C. 1395dd). Lo lus “tus mob thaum muaj xwm ceev” txhais tias yog ib tug mob uas nws cia li mob nws los ntawm cov tsos mob loj (nrog rau qhov mob heev) uas yog tias tsis muab kev pab kho tam sim ntawd tej zaum yuav:

- Muaj teeb meem loj rau tus neeg ntawd txoj kev noj qab haus huv (los sis, yog tias tus poj niam cev xeeb tub, txoj kev noj qab haus huv ntawm tus poj iam los sis nws tus me nyuam hauv plab),
- Muaj teeb meem puas tsuaj loj rau lub cev txoj kev ua hauj lwm, los sis
- Muaj teeb meem loj rau cov khoom nyob hauv nruab nrog cev los sis tej seem hauv nruab nrog cev; los sis
- Thaum hais txog tus poj niam uas cev xeeb tub uas mob plab yug me nyuam:
 - Tsis muaj sij hawm txaus los xa mus rau lwm lub tsev kho mob kom nyab xeeb ua ntej yug me nyuam, los sis
 - Txoj kev xa mus rau lwm lub ntawd tej zaum yuav ua tau ib qho tsis zoo rau tus poj niam los sis tus me nyuam uas tsis tau yug ntawd txoj kev noj qab haus huv los sis txoj kev nyab xeeb.

Tsev Neeg: Raws li txhais los ntawm U.S. Census Bureau, ib pawg neeg uas muaj ob los sis coob tshaj ob tug neeg uas nyob ua ke thiab sib txheeb raws kev yug, kev sib yuav, los sis kev saws. Yog hais tias ib tug neeg mob aws ib tug neeg ua tus tos nws noj nws haus hauv lawv cov ntawv ua se, raws li Internal Revenue Service cov cai, yuav suav tau tias lawv yog ib tug neeg tos noj tos haus thaum coj los siv rau hauv kev txiav txim txog kev tsim nyog rau tsab cai no.

Tsev Neeg Cov Nyiaj Tau: Ib tug neeg thov kev pab tsev neeg cov nyiaj tau yog cov nyiaj tau tag nrho ua ke ua ntej txiav se thiab lwm yam tawm rau tag nrho cov neeg laus hauv tsev neeg uas nyob hauv tib lub tsev thiab muaj nyob rau hauv daim ntawv ua se federal uas tshiab tshaj plaws. Rau cov neeg mob uas muaj hnuv nyoog 18 xyoo rov hauv, tsev neeg cov nyiaj tau muaj xws li ntawm niam txiv thiab/los sis niam tshiab txiv tshiab, los sis cov txheeb ze uas saib xyuas. Tsev neeg cov nyiaj tau yog txiav txim los ntawm qhov siv Census Bureau lub ntsiab txhais, uas suav cov nyiaj tau nram qab no thaum xam txog nom tswv tus qauv teeb tseg txog feem txom nyem cov cai:

- Suav cov nyiaj ua hauj lwm tau, cov nyiaj poob hauj lwm, cov nyiaj raug mob tom hauj lwm, nyiaj laus Social Security, nyiaj laus Supplemental Security Income, nyiaj nom tswv, nyiaj qub tub rog, nyiaj ntsuag txij nkawm, nyiaj pension los sis nyiaj so hauj lwm rau yav laus, paj laum, nyiaj ua luam dividends, nyiaj khais tsev, nyiaj them rau tus neeg tsim ib yam dab tsi (royalties), nyiaj tau los ntawm cov khoom teej tug (estates), cov khoom tseem ceeb (trusts), nyiaj pub ntawm txoj kev kawm, nyiaj yug txij nkawm, nyiaj yug me nyuam,
- Cov kev pab uas tsis yog nyiaj ntsuab (xws li nyiaj muas noj thiab tsev luam) mas tsis suav;
- Txiav txim raws qhov ua ntej txiav se;
- Tsis suav cov peev tau los sis qhov poob peev ntawm kev ua lag luam loj

Nom Tswv Tus Qauv Teeb Tseg Txog Feem Txom Nyem (Federal Poverty Level): Nom Tswv Tus Qauv Teeb Tseg Txog Feem Txom Nyem (FPL) siv cov nyiaj tau uas pub txog uas sib txawv raws seb tsev neeg neeg coob npaum cas thiab muaj leej twg hauv tsev neeg los txiav txim seb leej twg txom nyem nyob hauv Teb Chaws Mis Kas. Qhov no mas ib sij kho ib zaug hauv Nom Tswv Daim Ntawv Teev (Federal

Register) los ntawm United States Department of Health and Human Services raws kev tso cai ntawm seem me (2) hauv Tshooj 9902 ntawm Title 42 Hauv Teb Chaws Mis Kas Tsab Cai. Yuav nrhiav tau cov qauv qhia txog FPL tam sim no ntawm <http://aspe.hhs.gov/POVERTY/>.

Kev Pab Nyiaj Them Nqi Kho Mob: Kev pab rau cov neeg mob uas tsim nyog, uas yog tsis pab yuav ntsib kev txom nyem txog nyiaj txiag, los pab them rau ib feem ntawm lawv feem xyuam los them rau cov nqi kho mob thaum muaj xwm ceev los sis kev kho mob uas yuav tsum tau kko uas muab los ntawm GSTJ.

Tus Neeg Uas Them Rau Tus Neeg Mob Cov Nqi: Ib tug neeg dua li tus neeg mob uas muaj feem xyuam los them rau tus neeg mob cov nqi.

Cov Nqi Ua Ntej Txo Nqi: Tag nrho tus nqi ntawm tus nqi uas tau tsim tseg rau cov kev pab kho mob ua ntej txo nqi tawm.

Tsis Muaj Tsev Nyob: Raws li txhais los ntawm Nom Tswv Teb Chaws, thiab tau luam tawm hauv Nom Tswv Daim Ntawv Teev rau thaum Lub Kaum Ob Hlis Ntuj Tim 5, 2011 los ntawm HUD: ib tug neeg los sis tsev neeg uas tsis muaj ib qho chaw nyob ruaj khov mus tas li, kom tsim nyog yav hmo ntuj, txhais tias tus neeg los sis tsev neeg qhov chaw nyob rau yav hmo ntuj yog ib qho chaw rau pej xeem nyob los sis ib qho chaw nkaum uas tsis yog rau neeg nyob los sis nws nyob hauv ib lub tsev rau pej xeem nyob los sis tsev ntiav uas tsim los ua ib qho chaw nyob mus ib ntus. Pawg no tseem suav cov neeg uas tawm hauv ib lub tsev kho mob uas nws tau mus nyob 90 hnuv los sis luv dua ntawd uas tau nyob hauv ib lub tsev rau thaum muaj xwm ceev los sis ib qho chaw uas tsis yog rau neeg nyob ua ntej mus pw tim tsev kho mob.

Kev Kho Mob Uas Yuav Tsum Tau Kho (Medically Necessary): Raws li txhais los ntawm Medicare yog cov kev kho mob los sis khoom uas muaj haj tom thiab tsim nyog rau txoj kev tshawb xyuas seb mob dab tsi los sis kev kho ib tug mob los sis ib qho kev raug mob.

Medicare Fee-For-Service (FFS): Kev tuav pov hwm them nqi kho mob uas muaj nyob rau hauv Medicare Part A thiab Part B hauv Title XVIII of the Social Security Act (42 USC 1395c – 1395w-5).

Ua Hli Them Rov Qab (Payment Plan): Ib lub hom phiaj ua hli them rov qab uas GSTJ thiab tus neeg mob, los sis tus neeg uas them rau tus neeg mob cov nqi, pom zoo, los them cov nqi uas yus tau them yus. Lub hom phiaj ua hli them rov qab yuav tsum tau xam txog seb tus neeg mob them taus li cas, tshuav nqi pes tsawg, thiab lwm cov nqi uas tau them ua ntej.

Kev Xav Tias Tej Zaum Tsim Nyog (Presumptive Eligibility): Nyob rau qee qhov teeb meem, tej zaum yuav cia li xav los sis pom tias cov neeg mob uas tsis muaj ntawv kho mob nws tsim nyog rau kev pab nyiaj them nqi raws qhov lawv rau npe rau hauv lwm cov kev pab los sis lwm cov chaw muab lus qhia, uas tsis yog qhia ncaj qha los ntawm tus neeg mob, los ntsuam xyuas txog tus neeg ntawd txoj kev tim tsum kev pab nyiaj.

Tus Neeg Yuav Ntawv Kho Mob Sab Nraud (Private Health Insurer): Ib lub koom haum uas tsis yog nom tswv li uas muaj muag ntawv kho mob, suav cov koom haum uas tsis yog nom tswv li uas khiav cov dej num muab ntawv kho mob raws li hauv Medicare Advantage.

Lub Sij Hawm Tsim Nyog: Cov neeg thov kev pab uas tau txiav txim tias lawv tsim nyog rau kev pab nyiaj them nqi mas yuav kam pab mus rau lub hlis.

Txo Nqi Rau Qhov Tsis Muaj Ntawv Kho Mob (Uninsured Discount): Cov neeg mob uas tsis muaj ntawv kho mob sab nraud mas yuav tau kev txo nqi rau qhov uas tsis muaj ntawv kho mob, rau cov kev pab uas tsim nyog uas muab los ntawm GSTJ nyob rau hauv tsab cai no, thaum lub sij hawm uas them cov nqi uas tsis txo nqi.

Tus Neeg Mob Uas Tsis Muaj Ntawv Kho Mob: Ib tug neeg mob uas tsis muaj ntawv kho mob sab nraud los ntawm ib lub lag luam muag ntawv kho mob, ib qho ERISA, ib qho Federal Health Care Program (nrog rau qhov uas tsis muaj kev txwv rau Medicare, Medicaid, SCHIP, thiab CHAMPUS), Kev Raug Mob Tom Hauj Lwm, los sis lwm cov kev pab sab nraud uas muaj los them rau tus neeg mob cov nqi kho mob.

Tus Neeg Mob Uas Tsis Muaj Ntawv Kho Mob Txaus: Ib tug neeg, uas muaj ntawv kho mob uas yuav sab nraud los sis ntawv kho mob los ntawm nom tswv los, uas kev them tag nrho cov nqi kho mob rau cov kev pab kho mob uas yus rho yus nyiaj los them mas yuav yog ib qho kev ntxhov siab hais txog nyiaj txiag GSTJ.

COV KEV PAB UAS TSIM NYOG

Cov kev pab uas tsim nyog nyob rau hauv GSTJ tsab cai txog kev pab nyiaj them nqi no mas yuav tsum tau yog kev kho mob uas yuav tsum tau kho thiab muaj raws li hauv cov qauv kho mob. Lawv muaj cov nram qab no:

- Kev kho mob thaum muaj xwm ceev hauv ib qho chaw kho mob ceev, nrog rau kev kho mob uas muab hauv ib qho chaw kho mob ceev kom tswj tau tus neeg mob tus mob kom nyob tus yees.
- Cov kev pab tam sim ntawd uas los pab rau thaum yuav muaj teeb meem loj rau txoj sia hauv ib qho chaw uas tsis yog thaum muaj xwm ceev.
- Cov kev kho mob uas yuav tsum tau kho, xws li kev kho mob uas pw kho mob los sis tsis pw kho mob uas tau muab los pab rau kev soj ntsuam, kev ntsuam xyuas seb yog mob dab tsi, thiab/los sis kev kho mob ib qho kev raug mob los sis ib tug mob, nrog rau cov kev pab uas feem ntau txhais los ntawm Medicare los sis lwm cov ntawv kho mob tias yog “cov khoom los sis cov kev pab uas kam them.”

Cov kev pab uas tsis tsim nyog rau kev pab nyiaj them nqi muaj xws li cov nram qab no:

- Cov txheej txheem uas tsis yog yuav tsum tau kho tam sim ntawd, nrog rau cov kev pab uas feem ntau tsis muaj kev pab them los ntawm Medicare los sis txhais los ntawm Medicare los sis lwm daim ntawv kho mob tias tsis yog ib qho uas yuav tsum tau kho.
- Cov kev pab uas tau txais los ntawm cov chaw muab kev pab uas tsis yog txais ua hauj lwm los ntawm GSTJ (piv txwv li, ib qho chaw kho mob los sis ib tug kws kho mob uas ntiav thiab/los sis tsis yog ntiav, tsheb thauj mob, lwm yam zoo li no) Xav kom cov neeg mob hu ncaj qha rau cov chaw muab kev pab no es nug txog cov kev pab uas muaj thiab los ua hli them cov nqi.
- Cov nqi uas yus yuav tau them yus ua ntej daim ntawv kho mob mam them (deductibles) thiab qhov uas muaj ob daim ntawv kho mob (coinsurance) uas muaj feem nrog cov kev pab kho mob uas yuav tsum tau kho uas tau muab rau cov neeg mob uas tsis nyob hauv pawg neeg koom ua ke (network) raws li txhais los ntawm lawv daim ntawv kho mob.

LUB HAUV PAUS RAU KEV TSIM NYOG

Txoj kev pab nyiaj them nqi kho mob mas yuav muab rau cov neeg mob, los sis cov neeg uas them rau tus neeg mob cov nqi uas tsis muaj ntawv kho mob thiab tsis muaj ntawv kho mob txaus, uas muaj raws li cov hauv paus, raws li txhais hauv qab no. Cov hauv paus no yuav los ua kom paub tseeb tias tsab cai txog kev pab nyiaj them nqi no yeej siv xwm yeem thoob plaws hauv GSTJ. GSTJ muaj cai los kho, pauv los sis hloov tsab cai no raws li yuav tsum ua los sis tsim nyog.

Cov kev pab them nqi (ntawv kho mob los ntawm qhov chaw ua hauj lwm, Medical Assistance, Indigent Funds, Victims of Violent Crimes, lwm yam zoo il no) mas yuav tsum tau muab los saib thiab soj ntsuam ua ntej yuav txiav txim siab muab kev pab nyiaj them nqi rau kom thiaj li tso siab tau tias yeej tswj GSTJ cov kev pab yam ceev faj heev hais txog txoj kev muab kev pab nyiaj them nqi. Yog tias zoo nkaus li ib tug neeg mob yuav tsim nyog rau lwm cov kev pab, GSTJ yuav xa tus neeg mob ntawd mus rau lub koom haum uas tsim nyog kom pab ua cov ntaub ntawv thov kev pab thiab lwm cov ntawv uas tsim nyog. Cov neeg thov kev pab yuav tsum tau siv kom tag nrho lwm cov kev pab them nqi raws li qhov uas yuav tsum tau ua thaum pom zoo muab kev pab nyiaj them nqi rau lawv.

Cov neeg thov kev pab nyiaj muaj txoj dej num los thov cov kev pab los ntawm nom tswv thiab los yuav kev pab them nqi kho mob sab nraud. Cov neeg mob, los sis cov neeg uas them rau tus neeg mob cov nqi, uas tsis koom tes mus thov kev pab ntawm cov chaw uas GSTJ pom tias tej zaum yuav pab them nqi kho mob, mas tej zaum yuav tsis pom zoo muab kev pab nyiaj them nqi rau lawv. Cov neeg thov kev pab uas yuav tau pab them rau lawv tus nqi kho mob raws li lawv lub peev xwm them, raws li tau teev nyob hauv tsab cai no.

Cov neeg mob, los sis cov neeg uas them rau tus neeg mob cov nqi, uas pom tias tej zaum yuav tsim nyog rau Medicaid, yuav tsum tau mus thov kev pab them nqi los ntawm Medicaid los sis muab Medicaid daim ntawv tsis pom zoo uas tau txais hauv rau (6) lub hlis ua ntej thov GSTJ kev pab nyiaj them nqi kho mob. Cov neeg mob, los sis cov neeg uas them rau tus neeg mob cov nqi, yuav tsum tau koom tes rau tus txheej txheem thov kev pab uas tau teev nyob hauv tsab cai no mas thiaj li tau kev pab nyiaj them nqi kho.

Cov haus pauv uas yuav suav los ntawm GSTJ thaum soj ntsuam tus neeg mob txoj kev tsim nyog rau kev pab nyiaj them nqi muaj xws li tsev neeg cov nyiaj tau, cov cuab tam, thiab feem xyuam hauv kev kho mob. GSTJ txoj kev pab nyiaj them nqi mas muaj rau tag nrho cov neeg mob uas muaj raws li qhov uas yuav tsum tau muaj thiaj li tsim nyog uas tau teeb rau hauv tsab cai no, tsis hais seb nyob rau qhov chaw twg, los sis nyob li cas (residency status). Yuav muab kev pab nyiaj them nqi rau cov neeg mob, los sis cov neeg uas them rau tus neeg mob cov nqi, raws kev tim tsum nyiaj thiab raws li nom tswv teb chaws thiab xeev cov cai.

Yuav muab kev pab nyiaj them nqi rau cov neeg mob uas tsim nyog uas muaj ntawv kho mob tsis txaus, tsuav yog tias qhov uas pab ntawd nws raws li tus neeg muaj ntawv kho mob daim ntawv cog lus. Txoj kev pab nyiaj them nqi mas feem ntau tsis muaj rau tus neeg mob tus nqi sib koom them (co-payment) los sis cov nqi tshuav tom qab daim ntawv kho mob them tas yog thaum tus neeg mob tsis ua raws li qhov uas daim ntawv kho mob kom yuav tsum tau ua xws li mus muab kom tau kev xa mus uas tsim nyog los sis cov kev tso cai. Feem ntau, cov nqi tshuav ntawm qhov uas tsis nyob hauv pawg neeg koom (network) mas yuav raug soj ntsuam ib tug dhau ib tug. Cov neeg mob uas muaj cov as khauj pab rau txoj kev noj qab haus huv uas tsis txiav se xws li Health Savings Account, Health Reimbursement Arrangement los sis Flexible Spending Account, yuav tsum tau siv cov nyiaj hauv tus as khauj uas ntej

yuav muab kev pab nyiaj them nqi. GSTJ muaj cai thim cov kev txo nqi uas tau piav nyob hauv no yog tias pom tias cov nqe lus no tau ua txhaum cai los sis txhaum txoj kev cog lus uas yuav tsum tau ua ntawm GSTJ lawm.

KEV PAB NYIAJ THEM NQI KHO MOB

Raws kev soj ntsuam tus neeg thov kev pab tsev neeg cov nyiaj tau, cov cuab tam, thiab nws feem uas nws yuav tau them, cov neeg thov kev pab uas tsim nyog tej zaum yuav tau cov kev pab nram qab no.

Txo Nqi Vim Tsis Muaj Ntawv Kho Mob: Cov neeg mob uas tsis muaj ntawv kho mob sab nraud mas yuav tau ib qho kev txo nqi vim tsis muaj ntawv kho mob thaum lub sij hawm uas them cov nqi uas tsis txo nqi. Qhov no yog siv rau cov neeg mob uas tsis muaj ntawv kho mob los ntawm ib qho chaw tuav pov hwm kho mob thiab/los sis cov neeg them nqi sab nraud.

Txo Nqi Rau Kev Kho Mob: Yuav muaj ib tug nqi txo raws nyiaj tau (sliding scale discount) rau GSTJ cov nqi rau cov kev pab uas nyob rau hauv tsab cai pab nyiaj them nqi kho mob no rau tus neeg mob, los sis tus neeg uas them rau tus neeg mob cov nqi, uas tsis muaj ntawv kho mob los sis muaj ntawv kho mob tsis txaus, uas nws tsev neeg cov nyiaj tau ua ntej txiav se tawm yog qis dua 300% ntawm nom tswv teb chaws tus qauv teeb tseg txog feem txom nyem them tam sim no nrog rau cov cuab tam uas qis dua qhov zoo ib yam li 600% ntawm FPL. Yuav muab cov kev txo nqi, raws li qhov kev teev tseg nram qab no, raws li tus neeg mob, los sis tus neeg uas them rau tus neeg mob cov nqi, tsev neeg cov nyiaj tau:

- Tsev neeg cov nyiaj tau tsawg dua 100% FPL mas yuav tsim nyog tau txais kev txo nqi 90% ntawm tus neeg mob cov nqi uas tshuav.
- Tsev neeg cov nyiaj tau ntau tshaj 101% FPL tiam sis zoo ib yam li los sis tsawg dua 150% FPL mas yuav tsim nyog tau txais kev txo nqi 80% ntawm tus neeg mob cov nqi uas tshuav.
- Tsev neeg cov nyiaj tau ntau tshaj 151% FPL tiam sis zoo ib yam li los sis tsawg dua 200% FPL mas yuav tsim nyog tau txais kev txo nqi 70% ntawm tus neeg mob cov nqi uas tshuav.
- Tsev neeg cov nyiaj tau ntau tshaj 201% FPL tiam sis zoo ib yam li los sis tsawg dua 250% FPL mas yuav tsim nyog tau txais kev txo nqi 50% ntawm tus neeg mob cov nqi uas tshuav.
- Tsev neeg cov nyiaj tau ntau tshaj 251% FPL tiam sis zoo ib yam li los sis tsawg dua 300% FPL mas yuav tsim nyog tau txais kev txo nqi 45% ntawm tus neeg mob cov nqi uas tshuav.

Kev Pab Rau Kev Puas Tsuj Loj Heev (Catastrophic Care): GSTJ cov neeg mob uas tsis muaj txog qhov kom tsim nyog tau kev pab nyiaj them nqi mas tej zaum yuav tsim nyog rau ib qho kev pab nyob ntawm lub zwj ceeb thaum GSTJ cov nqi kho mob yuav ua ib qho kev nyuab siab loj txog nyiaj txiag. Cov neeg mob, los sis cov neeg uas them rau tus neeg mob cov nqi, tej zaum yuav tsim nyog rau ib qho kev pab rau kev puas tsuj loj heev yog tias lawv muaj feem uas yuav tau them ntawm lawv tus kheej vim cov nqi ntawm cov kev pab kho mob los ntawm GSTJ nws tshaj 25% ntawm tsev neeg cov nyiaj tau thiab muaj cov cuab tam uas qis dua qhov uas zoo ib yam li 600% ntawm FPL tus qauv.

Cov neeg mob, los sis cov neeg uas them rau tus neeg mob cov nqi, uas muaj raws li qhov uas yuav tsum tau muaj thiaj tsim nyog rau kev pab rau kev puas tsuj loj heev mas yuav tau kev txo nqi rau lawv cov nqi ntawm GSTJ kom nws tsis txhob tshaj 45% ntawm tsev neeg cov nyiaj tau.

Kev Ua Hli Them Rov Qab (Payment Plans): Yeej xav kom yuav tsum tau ua ib zaug them kom tas, rau cov nqi uas tshuav, li ntawm 30 hnuv tom qab muab tus neeg mob thawj daim nqi. Yog hais tias tus neeg mob, los sis tus neeg uas them rau tus neeg mob cov nqi, them tsis tau tag nrho thaum lub sij hawm no,

yuav rub tau lub sij hawm them ntawd mus txog peb xyos rau cov nqi uas tseem tshuav tom qab tau txo nqi tas rau cov neeg thov kev pab uas tsim nyog rau kev pab nyiaj them nqi. GSTJ thiab tus neeg mob yuav ua ib lub hom phiaj ua hli them rov qab. Qhov seb yuav them ntev npaum cas yuav yog nyob ntawm seb tus neeg mob tshuav nqi kho mob pes tsawg, tsev neeg cov nyiaj tau thiab lwm yam uas yuav nyuaj. Yog tias pom zoo, txoj kev ua hli them rov qab no yuav tsis muaj tsub paj.

Cov neeg mob muaj txoj dej num los nrog GSTJ tham tau txhua lub sij hawm thaum uas yuav them tsis tau raws li qhov uas tau teem tseg. Kev tsis sib tham mas yuav ua rau tus neeg mob tus as khauj raug xa mus rau ib lub koom haum sau nqi.

KEV XAV TIAS TEJ ZAUM TSIM NYOG (PRESUMPTIVE ELIGIBILITY)

GSTJ nkag siab tias tsis yog tag nrho cov neeg mob yuav teb tau daim ntawv thov kev pab nyiaj them nqi los sis ua raws li cov kev thov kom muab pov thawj. Tej zaum yuav muaj qee tsam uas tus neeg mob txoj kev tsim nyog rau kev pab nyiaj yuav muaj yam uas tsis teb daim ntawv thov kev pab nyiaj them nqi. Tej zaum yuav siv lwm cov lus qhia los ntawm GSTJ los txiav txim seb puas yuav sau tau nqi ntawm tus neeg mob tus as khauj thiab yuav siv cov lus qhia no rau hauv qhov uas xav tias tej zaum tsim nyog (presumptive eligibility).

Tej zaum yuav muab Kev Xav Tias Tej Zaum Tsim Nyog rau cov neeg mob raws lawv txoj kev tsim nyog rau lwm cov kev pab los sis teeb meem hauv lub neej xws li:

- Cov neeg mob los sis cov neeg uas them rau tus neeg mob cov nqi uas tau ua ntawv poob nyiaj (bankruptcy). Rau cov uas ua ntawv poob nyiaj, tsuas yog cov nqi tshuav hauv tus as khauj uas nyob rau hnuv tshem tawm cov nqi hauv kev poob nyiaj ntawd mas thiaj li muab tshem tau tawm xwb.
- Cov neeg mob los sis cov neeg uas them rau tus neeg mob uas tuag lawm uas tsis muaj vaj tse thiab khoom muaj nqis.
- Cov neeg mob los sis cov neeg uas them rau tus neeg mob uas pom tias tsis muaj vaj tse nyob.
- Cov as khauj uas xa rov qab los ntawm lub koom haum tsib nqi tias sau tsis tau nqi vim muaj cov hais los saud.
- Cov neeg mob los sis cov neeg uas them rau tus neeg mob uas tsim nyog rau Xeev cov kev pab los ntawm Medicaid, yuav tsim nyog rau kev pab ntawm cov nqi uas sib koom them uas txuam nrog rau txo kev pab cuam los sis cov kev pab uas tsis kam them rau.

GSTJ nkag siab tias tej co neeg mob yuav tsis teb rau cov GSTJ tus txheej txheem thov kev pab. Nyob rau cov sij hawm no, GSTJ yuav siv tau lwm cov lus qhia los soj ntsuam txog txoj kev tim tsum nyiaj. Cov lus qhia no yuav pab GSTJ los txiav txim txog txoj kev tim tsum nyiaj ntawm cov neeg mob uas tsis teb uas yuav siv cov kev kwv yees zoo tshaj plaws uas muaj thaum uas tsis tau cov lus qhia ncaj qha los ntawm tus neeg mob.

GSTJ yuav siv tau cov neeg sab nraud los ua ib txoj kev soj ntsuam raws hluav taws xob txog tus neeg mob cov lus qhia kom ntsuam xyuas tau txoj kev tim tsum nyiaj. Txoj kev soj ntsuam no siv ib tug qauv uas siv heev hauv txoj kev kho mob uas yog raws cov ntaub ntawv uas pej xeev sawv daws saib tau. Tus qauv kwv yees no yuav siv ov ntaub ntawv uas pej xeev saib tau los xam txog txoj kev noj nyob thiab tus paj xyeev ntawm txoj kev khwv nyiaj uas muaj qhov kwv yees txog nyiaj tau, cov cuab tam thiab qhov

uas yuav muab tau coj los them nuj nqis.

Lub twj technology uas siv raws hluav taws xob no yog tsim los soj ntsuam txhua tus neeg mob kom siv tib tug qauv thiab kho kom ncaj raws cov kev pom zoo yav tas los rau GSTJ txoj kev pab nyiaj them nqi nyob rau hauv txoj kev siv ntawv thov kev pab nyiaj li yav tas los.

Yuav siv lub twj technology uas siv raws hluav taws xob, thaum uas siv, ua ntej muab tso rau cov nqi uas tsis tau them tom qab siv tag nrho lwm cov kev tsim nyog thiab cov kev pab them nqi lawm. Qhov no yuav cia GSTJ los txheeb xyuas tag nrho cov neeg hais txog kev pab nyiaj them nqi ua ntej yuav siv cov kev tsib nqi nruj. Cov xov uas tau rov qab los ntawm txoj kev soj ntsuam txog kev tsim nyog raws hluav taws xob (electronic eligibility review) no yuav suav tias yog pov thawj tsim nyog txog txoj kev tim tsum nyiaj nyob rau hauv tsab cai no.

Thaum uas siv txoj kev rau npe raws hluav taws xob los ua lub hauv paus rau kev xav tias tej zaum tsim nyog, yuav siv them txo nqi siab tshaj plaws rau cov kev pab uas tsim nyog rau cov hnuv tim uas muab kev pab ntawd nkaus xwb. Yog tias tus neeg mob tsis tsim nyog raws li hauv tus txheeb txheem rau npe raws hluav taws xob, yeej tseem yuav suav tus neeg mob rau hauv txoj kev thov kev pab nyiaj them nqi uas siv ntawv li niaj zaus. GSTJ yuav sau ib tsab ntawv qhia rau cov neeg mob uas tsis tsim nyog rau txoj kev pab nyiaj them nqi los ntawm tus txheeb txheem no uas qhia rau lawv tias muaj kev pab nyiaj them nqi. Tsab ntawv no yuav muaj ib daim ntawv sua lus txog lub ntsiab tseem ceeb txog tsab cai txoj kev pab nyiaj them nqi thiab cov kauj ruam uas yuav ua yog tias tsis xa daim ntawv thov kev pab tuaj los sis tsis them rau qhov nqi tshuav ntawd.

Tus neeg mob cov as khauj uas tau kev pom zoo rau qhov xav tias tej zaum yuav tsim nyog mas yuav rov txheeb dua raws li nyob hauv tsab cai txog kev pab nyiaj them nqi. Yuav tsis xa lawv mus rau kev tsib nqi, yuav tsis ua cov kev tsib nqi ntiv lawm, yuav tsis xa ib daim ntawv qhia txog lawv txoj kev tsim nyog raws hluav taws xob, thiab yuav tsis muab tso rau hauv lub tsev kho mob cov nqi uas tsis tau them.

COV KEV PAB THAUM MUAJ XWM CEEV

Raws li NOM TSWV TEB CHAW TSAB CAI TXOG TXOJ KEV KHO MOB THAUM MUAJ XWM CEEV THIAB KEV UA HAUJ LWM (FEDERAL EMERGENCY MEDICAL TREATMENT AND LABOR ACT) (EMTALA), tsis pub soj ntsuam ib tug neeg twg txog kev pab nyiaj them nqi los sis cov lus qhia txog kev them nqi ua ntej muab cov kev pab rau thaum lub sij hawm muaj xwm ceev. GSTJ yuav thov tau kom tus neeg mob them rau tus nqi koom them (piv txwv li, co- payments) thaum lub sij hawm muab kev pab ntawd, tsuav yog kom qhov kev thov ntawd tsis txhob ncuva lub sij hawm los soj ntsuam mob los sis txoj kev kho kom nyob tus yees rau ib tug mob thaum muaj xwm ceev (Saib Tsab Cai GL-3001).

COV NQI XA RAU COV NEEG MOB UAS TSIM NYOG RAU KEV PAB NYIAJ THEM NQI

Tus nqi uas feem ntau tsub yog tus nqi uas cov neeg mob, los sis tus neeg uas them rau tus neeg mob cov nqi, uas tsim nyog rau kev pab nyiaj them nqi kho mob yuav tau them. Rau cov neeg mob uas tsis muaj ntawv kho mob tsim nyog, tus nqi no yuav tsis tshaj tus paj (rate) uas yuav txiav txim los ntawm qhov uas siv Tus Txheeb Txheem Saib Rov Qab (Look Back Method).

Tus Txheeb Txheem Saib Rov Qab (Look Back Method) yuav yog raws cov nqi uas pub muaj nyob hauv Medicare Fee-For-Services ua ke nrog rau tag nrho cov ntawv kho mob uas yus yuav yus los them rau cov nqi mus rau GSTJ. Cov nqi yuav suav rau hauv qhov kev siv AGB los xam yuav yog cov nqi uas pub

muaj hauv xyoo ua ntej ntawd. Cov nqi rau qhov muaj ob daim ntawv kho mob (co-insurance), cov nqi sib koom them (co- payments) thiab cov nqi uas yus yuav tau them yus ua ntej daim ntawv kho mob yuav them (deductibles) mas yuav suav rau hauv tus zauv sab saud (numerator) nrog rau Medicare Fee-for-Service ua ke nrog rau tag nrho cov nqi uas pub muaj los ntawm cov ntawv kho mob sab nraud. Cov nqi tsub ua ntej lov nqi tawm rau cov nqi uas hais los saud mas yuav suav rau hauv tus zauv hauv qab (denominator). Tus AGB mas yuav xam txhua xyoo. Yuav siv cov feem pua tsis dhau hnuv 120th tom qab lub xyoo ntawd xaus uas siv los ntawm GSTJ los xam AGB cov feem pua.

Yog tias koj muaj lus nug hais txog AGB cov feem pua, thov nug tau ntawm Cov Kev Pab Tus Neeg Mob Txog Nyiaj Txiag (Patient Financial Services) lub chav fai ntawm 608-489-8198. Cov lus qhia txog AGB yuav muaj pub dawb xwb.

Cov neeg mob uas pom tias tsim nyog rau kev pab nyiaj them nqi mas yuav tsis tau them cov nqi ua ntej txo nqi rau cov kev pab uas tsim nyog thaum uas muaj kev kam them nyob rau hauv GSTJ tsab cai txog kev pab nyiaj them nqi.

THOV KEV PAB NYIAJ THEM NQI

Kev tsim nyog rau kev pab nyiaj them nqi mas yuav nyob rau txoj kev tim tsum nyiaj thaum lub sij hawm thov ntawd. Hais dav dav, yuav tsum tau muaj ntawv pov hwm los txhawb nqa daim ntawv thov kev pab nyiaj them nqi. Yog tias tsis muab pov thawj kom tsim nyog, tej zaum GSTJ yuav nrhiav lwm cov lus qhia ntxiv.

Yuav tsum tau muaj cov ntawv pov thawj uas siv tau los txhawb rau txoj kev tim tsum nyiaj pab them nqi.

Yuav tsum tau muaj cov ntawv pov thawj qhia txog nyiaj tau nram qab no los ntawm cov neeg mob, los sis cov neeg uas them rau tus neeg mob cov nqi, kom thiaj li txiav txim tau txog kev tsim nyog:

- Daim qauv ntawm daim ntawv ua se Federal, thiab tag nrho cov Schedules, los ntawm xyoo ua se tshiab tshaj
- Pov Thawj Txog Nyiaj Tau tam sim no (ib daim qauv ntawm daim tw tshev tshiab tshaj los sis lwm cov ntawv pov thawj)
- Pov thawj txog lwm cov nyiaj tau, nrog rau nyiaj poob hauj lwm, nyiaj raug mob tom hauj lwm, nyiaj yug txij nkawm, nyiaj ua lag luam, nyiaj qub tub rog
- Cov Ntawv Qhia Nyiaj Tim Tuam Txhab Tso Nyiaj Tam Sim No

Yuav tsum tau muaj cov ntawv pov thawj qhia txog cov cuab tam nram qab no los ntawm cov neeg mob, los sis cov neeg them tus neeg mob cov nqi, kom thiaj li txiav txim tau txog kev tsim nyog:

- Cov as khauj sau tshev
- Cov as khauj tseg nyiaj
- Cov as khauj tso ua lag luam Money market
- Cov nyiaj tso noj paj mus ntev (Certificates of deposit)
- Nyiaj them ib xyoos ib zaug los sis ua hli them (Annuities)
- Cov as khauj tso ua lag luam uas tsis yog rau thaum laus
- Cov as khauj tseg nyiaj rau yav laus, nrog rau cov nyiaj pensions
- Vaj tse

- Lwm yam cuab tam

Yuav xa tau cov ntawv thov kev pab nyiaj them nqi mus txog 240 hnuv tom qab hnuv tim tau txais thawj daim nqi tom qab kho mob tas.

Yog hais tias teb daim ntawv thov kev pab tsis txhij, los sis tau thov kom muab ntawv pov thawj ntxiv, yuav qhib daim ntawv thov kev pab mus 30 hnuv ntawm hnuv uas xa tsab ntawv thov kom muab pov thawj ntxiv. Yog hais tias tus neeg thov kev pab tsis teb daim ntawv rov qab li ntawm 30 hnuv, yuav tsis pom zoo rau daim ntawv thov kev pab.

Thaum lub sij hawm uas soj ntsuam Daim Ntawv Thov Kev Pab Nyiaj Them Nqi (FAA) uas teb txhij, yuav cheem tag nrho cov kev tsib nqi. Yuav sau tseg tias muaj ib daim FAA los sis yuav luam ib daim rau hauv tus neeg mob cov ntaub ntawv thiab yuav sau tseg rau hauv tus as khauj. Txoj kev xa nqi mas yuav muaj txuas mus li niaj zaub thaum lub sij hawm tseem soj ntsuam thiab txiav txim rau daim FAA. Yog hais tias tus neeg sawv cev pom zoo rau ib daim FAA uas teb txhij thiab ua raws, yuav sau qhov no tseg rau hauv tus neeg mob cov ntaub ntawv thiab yuav tshem cov nqi tshuav ntawd tawm tias them tas lawm raws li tus zauv cim uas tsim nyog. Yuav tau xa cov ntawv thov kev pab nyiaj them nqi mus rau lub chav fai nram qab no:

Gundersen St. Joseph's Hospital and Clinics
ATTN: Patient Accounts
400 Water Ave. PO Box 527
Hillsboro, WI 54634
608-489-8198 los sis 608-489-8000

Yog hais tias tsis pom zoo pab nyiaj them nqi kho mob, tus neeg mob los sis tus neeg uas them rau tus neeg mob cov nqi, yuav rov qab thov dua tau yog tias muaj kev hloov hauv cov nyiaj tau los sis hauv lub neej.

COV KEV TXIAV TXIM TXOG KEV TSIM NYOG, COV KEV THOV KOM ROV SAIB DUA THIAB COV KEV DAWS KEV TSIS TXAUS SIAB

Yuav tsum tau sau ntawv mus qhia rau cov neeg mob txog qhov kev txiav txim hais txog lawv daim FAA li ntawm peb cuag (30) hnuv tom qab xa ib daim ntawv thov kev pab uas teb txhij. Yuav rov qhov nyiaj tshaj uas tus neeg mob los sis tus neeg uas them rau tus neeg mob cov nqi tau them rau hauv tus as khauj rov qab rau nws yog tias txiav txim tau tias nws tsim nyog rau kev pab nyiaj them nqi raws li hauv GSTJ tsab cai pab nyiaj them nqi. Cov nyiaj rov mas yuav siv rau cov kev them nqi uas yog \$5 los sis ntau tshaj ntawd. Raws li hauv tsab cai no, kev pab nyiaj them nqi mas feem ntau yuav tsis suav cov nqi sib koom them (co-payments) los sis cov nqi tshuav tom qab daim ntawv kho mob tau them nws feem lawm thaum uas tus neeg mob tsis mus muab kom tau cov kev xa mus uas raug cai los sis cov kev tso cai, los sis yog hais tias txoj kev pab ntawd nws tsis muaj raws li daim ntawv kho mob daim ntawv cog lus, yog thaum zoo li no lawm yuav tsis rov cov nyiaj ntawd rov qab lawm.

Cov neeg mob yuav sau ntawv tau mus thov kom rov saib txoj kev txiav txim no dua li ntawm 30 hnuv tom qab txais tau daim ntawv qhia uas xa tsab ntawv mus rau:

Gundersen St. Joseph's Hospital and Clinics
ATTN: Director of Revenue Cycle
400 Water Ave. PO Box 527

Hillsboro, WI 54634
608-489-8198 los sis 608-489-8000

Cov kev thov kom rov saib txoj kev txiav txim mas yuav tsum tau teev li ntwam 30 hnuv ntawm thawj hnuv tim uas txiav txim. Tus Thawj Coj Hauv Kev Sau Nqi Kho Mob (Revenue Cycle) yuav soj ntsuam txoj kev thov kom rov saib txoj kev txiav txim seb puas yuav tau txiav txim dua. Cov kev txiav txim los ntawm Tus Thawj Coj Hauv Kev Sau Nqi Kho Mob yuav yog qhov kawg.

LUB SIJ HAWM TSIM NYOG

Yog hais tias pom tias ib tug neeg thov kev pab nws tsim nyog tau kev pab, GSTJ yuav muab kev pab nyiaj them nqi mus rau lub hlis. Yuav tsis muaj ib tug neeg mob twg uas yuav tsis \j5rwwwwwwtau kev pab nyiaj raws qhov uas tsis muab cov lus qhia los sis cov ntawv pov thawj uas tsis tas yuav tsum tau muaj nrog daim ntawv thov kev pab.

TSAB NTAWV QHIA TXOG KEV PAB NYIAJ THEM NQI

Cov lus qhia txog GSTJ tsab cai txog kev pab nyiaj them nqi thiab cov lus qhia seb yuav nug tau GSTJ kom muab kev pab thiab cov lus qhia ntxiv, nrog rau cov lus qhia txog cov kev them nqi, yuav muab lo rau ntawm lub tsev kho mob loj thiab lub tsev kho mob me qhov chaw rau npe thiab chaw txais pw kho mob, thiab hauv lub tsev kho mob loj chaw kho mob thaum muaj xwm ceev. Yuav muab tau cov lus qhia no los ntawm cov neeg pab tawm tswv yim txog kev pab nyiaj thoob plaws hauv lub koom haum.

Yuav muaj tsab cai txog kev pab nyiaj them nqi, daim ntawv thov kev pab thiab daim ntawv sua lus txog lub ntsiab tseem ceeb txog tsab cai nyob rau hauv qhov chaw kho mob lub vas sab (website) ntawm <http://www.gundersenhealth.org/st-josephs/billing-information>. Cov lus qhia no tseem muaj pub dawb yog hu rau 608-489-8198. Yog tias koj xav tau kev pab teb daim ntawv thov kev pab nyiaj them nqi, koj hu tau rau Tus Neeg Mob Tus As Khauj ntawm 608-489-8198 es nrog tus neeg ua hauj lwm hauv chaw muab kev pab nyiaj tham tau.

Cov lus qhia txog GSTJ tsab cai txog kev pab nyiaj them nqi yuav muab qhia rau cov neeg mob uas ua lawv hom lus hais. Cov lus qhia txog kev pab nyiaj, thiab tsab ntawv tshaj tawm uas lo rau hauv lub tsev kho mob loj thiab lub tsev kho mob me cov chaw mas yuav muab txhais ua hom lus uas hais los ntawm cov neeg nyob hauv cheeb tsam muab kev pab uas muaj txog 1,000 tus neeg los sis 5% seb qhov twg tsawg dua.

Ntxiv thiab, GSTJ hais txog cov cai ntawm kev them nqi thiab kev pab nyiaj them nqi kho mob nyob rau tag nrho cov ntawv xa nqi tawm txhua hli thiab cov ntawv tsib nqi. Muaj cov lus qhia txog GSTJ tsab cai txog kev pab nyiaj them nqi, txhua lub sij hawm, thaum tus neeg mob thov txog.

YUAV TSUM TAU UA RAWLS LI TXOJ CAI

GSTJ yuav ua raws li tag nrho nom tswv teb chaws, xeev thiab zos cov cov cai thiab cov txhooj cai thiab qhov uas yuav tsum tau qhia uas yuav siv tau rau cov dej num ua raws li tsab cai no. Tsab cai no kom GSTJ yuav tsum tau taug qab cov kev pab nyiaj them nqi kom thiaj li qhia tawm tau yog. Cov lus qhia txog kev pab nyiaj them nqi uas tau muab raws li hauv tsab cai no yuav muab qhia tawm txhua xyoo rau hauv IRS Form 990 Schedule H.

KEV CEEV NTAUB NTAWV

GSTJ yuav ceev tag nrho cov ntaub ntawv txog kev pab nyiaj them nqi kom thiaj li tswj tau raug cai thiab ua tau raws li tag nrho qhov uas yuav tsum tau ua sab hauv thiab sab nraud.

KEV POM ZOO RAU TSAB CAI

GSTJ tsab cai txog kev pab nyiaj them nqi mas tau muab rau thiab pom zoo los ntawm GSTJ Pawg Neeg Tswj. Tsab cai no yuav raug soj ntsuam ua ntu zus mus. Cov kev pauv hloov loj rau tsab cai yuav tsum tau kev pom zoo los ntawm GSTJ Pawg Neeg Tswj.

Daim Ntawv Ntxiv Tom Qab (Appendix) 2

Theem Txo Nqi (Pib Siv Lub Peb Hlis Ntuj 2017)

Txo Nqi Rau Cov Tsis Muaj Ntawv Kho Mob: Gundersen St. Joseph’s Lub Tsev Kho Mob thiab Cov Tsev Kho Mob Me yuav muab kev txo nqi 37% rau cov tsis muaj ntawv kho mob thaum lub sij hawm uas them cov nqi uas tsis tau txo nqi. Qhov txo nqi no yuav siv rau cov as khauj ntawm cov neeg mob uas tsis muaj kev pab them nqi kho mob los ntawm daim ntawv kho mob thiab/los sis cov neeg them nqi sab nraud.

Kev Pab Nyiaj: Gundersen St. Joseph’s Lub Tsev Kho Mob Loj thiab Cov Tsev Kho Mob Me yuav siv kev pab nyiaj txoj kev txo nqi rau tus neeg mob cov nqi uas nws them nws tus kheej thaum lub sij hawm thov kev pab ntawd.

Txo Nqi rau Cov Kev Pab Uas Tsim Nyog Los Ntawm Gundersen St. Joseph’s Lub Tsev Kho Mob Loj thiab Cov Kev Kho Mob Me: Cov neeg thov kev pab uas muaj cov cuab tam raws li qhov pub txog (threshold) thiab tsev neeg cov nyiaj tau:

1. Qis tshaj 100% FPL% mas yuav tsim nyog txais tus nqi txo 90%
2. Tshaj 101% FPL tiam sis zoo ib yam li los sis tsawg dua 150% FPL mas tsim nyog txais tus nqi txo 80%
3. Tshaj 151% FPL tiam sis zoo ib yam li los sis tsawg dua 200% FPL mas tsim nyog txais tus nqi txo 70%
4. Tshaj 201% FPL tiam sis zoo ib yam li los sis tsawg dua 250% FPL mas tsim nyog txais tus nqi txo 50%
5. Tshaj 251% FPL tiam sis zoo ib yam li los sis tsawg dua 300% FPL mas tsim nyog txais tus nqi txo 45%

Qhov Pub Txog Rau Nyiaj Tau thiab Cuab Tam: Cov zauv nram qab no yog 2017 Cov Kev Pab Rau Txoj Kev Noj Qab Haus Huv thiab Kev Pab Neeg (Health and Human Services) cov qauv qhia txog feem txom nyem uas muab luam tawm rau hauv Nom Tswv Cov Ntawv Teev (Federal Register) rau thaum Lub Peb Hlis Ntuj Tim 1, 2017.

Tsawg leej hauv tsev neeg	100% Tus Qauv Txog Feem Txom Nyem	150% ntawm Feem Txom Nyem	200% ntawm Feem Txom Nyem	250% ntawm Feem Txom Nyem	300% ntawm Feem Txom Nyem	Cuab Tam Qhov Pub Txog
1	\$ 12,060	\$17,820	\$ 24,120	\$ 30,150	\$35,640	\$ 72,360
2	\$ 16,240	\$24,030	\$ 32,480	\$ 40,600	\$48,060	\$ 97,440
3	\$ 20,420	\$30,240	\$ 40,840	\$ 51,050	\$60,480	\$ 122,520
4	\$ 24,600	\$36,450	\$ 49,200	\$ 61,500	\$72,900	\$ 147,600
5	\$ 28,780	\$42,660	\$ 57,560	\$ 71,950	\$85,320	\$ 172,680
6	\$ 32,960	\$48,870	\$ 65,920	\$ 82,400	\$ 97,740	\$ 197,760
7	\$ 37,140	\$55,095	\$ 74,280	\$ 92,850	\$ 110,190	\$ 222,840
8	\$ 41,320.00	\$ 61,335	\$ 82,640	\$ 103,300	\$ 122,670	\$ 247,920

Daim Ntawv Ntxiv Tom Qab (Appendix) 3

Cov Chaw Muab Kev Pab thiab Cov Tuam Tsev

Tag nrho cov kev pab uas tsim nyog yuav tau kho uas muab los ntawm Gundersen St. Joseph's Lub Tsev Kho Mob Loj thiab Cov Tsev Kho Mob Me mas yuav muaj kev pab them nyob rau hauv tsab cai no. Tej co kws kho mob nws yeej xa nws ib daim nqi tuaj rau qhov uas mus kho mob tom lawv lub tsev kho mob me. Nws yog tus neeg mob txoj dej num los nrog tus kws kho mob tham seb cov kev mus kho mob ntawd puas muaj kev pab them nyob rau hauv GSTJ txoj kev pab nyiaj them nqi los sis hauv tus kws kho mob tsab cai. Yog tias koj muaj lus nug, thov hu rau peb qhov chaw muab Kev Pab Tus Neeg Mob Txog Nyiaj Txiag ntawm 608-489-8198.

Daim Ntawv Ntxiv Tom Qab (Appendix) 4

Feem Pua Ntawm Tus Nqi Uas Feem Ntau Tsub (Amounts Generally Billed) (AGB)

Tus nqi uas feem ntau tsub yog tus nqi uas yuav kom tus neeg mob, thiab/los sis tus neeg uas them rau tus neeg mob cov nqi them rau cov kev kho mob thaum muaj xwm ceev los sis kev kho mob uas yuav tsum tau kho. Rau cov neeg mob tsis muaj ntawv kho mob uas tsim nyog, tus nqi no yuav tsis tshaj tus paj (rate) uas yuav siv los txiav txim uas siv Tus Txheej Txheem Saib Rov Qab (Look Back Method) uas tau piav rau hauv §1.501(r)-5(b) (3) ntawm tsab cai Internal Revenue Code. Tus Txheej Txheem Saib Rov Qab yuav yog raws cov nqi uas tau them yav tas los rau Gundersen los ntawm Medicare Fee-for-Service ua ke nrog rau tag nrho cov nqi uas them los ntawm cov neeg uas lawv yuav lawv ntawv kho mob sab nraud los them. Cov nqi uas yuav suav rau hauv kev siv tus AGB los xam mas yuav yog cov nqi uas pub muaj hauv lub sij hawm kaum ob lub hlis xyoo ua ntej ntawd. Cov nqi rau qhov muaj ob daim ntawv kho mob (co-insurance), cov nqi sib koom them (co- payments) thiab cov nqi uas yus yuav tau them yus ua ntej daim ntawv kho mob yuav them (deductibles) mas yuav suav rau hauv tus zauv sab saud (numerator) nrog rau Medicare Fee-for-Service ua ke nrog rau tag nrho cov nqi uas pub muaj los ntawm cov ntawv kho mob sab nraud. Cov nqi tsub ua ntej lov nqi tawm rau cov nqi uas hais los saud mas yuav suav rau hauv tus zauv hauv qab (denominator). Tus AGB mas yuav xam txhua xyoo tsis dhau hnuv 45 tom qab kaw xyoo ua ntej ntawd, thiab yuav siv rau hnuv 120 tom qab kaw xyoo ntawd.

Hnuv Tim Pib	Feem Pua
Lub Peb Hlis Ntuj Tim 1, 2015	40%
Lub Plaub Hlis Ntuj Tim 1, 2016	37%
Lub Peb Hlis Ntuj Tim 1, 2017	36.7%

Daim Ntawv Ntxiv Tom Qab (Appendix) 5

Pej Xeem Kev Saib Tau Tsab Cai

Cov lus qhia uas nyob hauv GSTJ Tsab Cai Txog Kev Pab Nyiaj, thiab GSTJ Tsab Cai Txog Kev Xa Nqi Rau Cov Nws Them Nws Ntiag Tug & Kev Tsib Nqi mas yuav muaj rau cov neeg mob thiab lub zej zos uas GSTJ muab kev pab rau los ntawm ntau hom kev qhia.

1. Cov neeg mob thiab cov neeg uas them rau tus neeg mob cov nqi yuav thov tau cov qauv txog Tsab Cai Txog Kev Pab Nyiaj, Tsab Cai Txog Kev Xa Nqi Rau Cov Nws Them Nws Ntiag Tug & Kev Tsib Nqi, Daim Ntawv Thov Kev Pab Nyiaj, thiab/los sis Daim Ntawv Sua Lus Txog Lub Ntsiab Tseem Ceeb uas sau ntawv xa mus rau:

Gundersen St. Joseph's Hospital and Clinics
Customer Financial Service; Box 527
400 Water Ave
Hillsboro, WI 54634

2. Cov neeg mob thiab cov neeg uas them rau tus neeg mob cov nqi yuav thov tau cov qauv txog Tsab Cai Txog Kev Pab Nyiaj, Tsab Cai Txog Kev Xa Nqi Rau Cov Nws Them Nws Ntiag Tug & Kev Tsib Nqi, Daim Ntawv Thov Kev Pab Nyiaj, thiab/los sis Daim Ntawv Sua Lus Txog Lub Ntsiab Tseem Ceeb hauv kev hu xov tooj mus rau (608) 489-8198.
3. Cov neeg mob thiab cov neeg uas them rau tus neeg mob cov nqi yuav rub tau cov qauv txog Tsab Cai Txog Kev Pab Nyiaj, Tsab Cai Txog Kev Xa Nqi Rau Cov Nws Them Nws Ntiag Tug & Kev Tsib Nqi, Daim Ntawv Thov Kev Pab Nyiaj, thiab/los sis Daim Ntawv Sua Lus Txog Lub Ntsiab Tseem Ceeb ntawm <http://www.gundersenhealth.org/st-josephs/billing-information>.
4. Cov neeg mob thiab cov neeg uas them rau tus neeg mob cov nqi yuav thov tau cov qauv ntawm Tsab Cai Txog Kev Pab Nyiaj, Tsab Cai Txog Kev Xa Nqi Rau Cov Nws Them Nws Ntiag Tug & Kev Tsib Nqi, Daim Ntawv Thov Kev Pab Nyiaj, thiab/los sis Daim Ntawv Sua Lus Txog Lub Ntsiab Tseem Ceeb uas tuaj mus rau ntawm cov chaw nram qab no:

Gundersen St. Joseph's Hospital and Clinic
400 Water Ave
Hillsboro, WI 54634
(608) 489-8198

Gundersen St. Joseph's Elroy Clinic
1705 Omaha Street
Elroy, WI 53929
(608) 489-8198

Gundersen St. Joseph's Wonewoc Clinic
301 Railroad Street
Wonewoc, WI 53968
(608) 489-8198

